



**PANDUAN PERMOHONAN GERAN KOMUNITI UNTUK
PETALING JAYA MAMPAN 2.0
(COMMUNITY GRANT FOR PJ SUSTAINABILITY 2.0)
TAHUN 2020**



1.0 TUJUAN

Panduan ini bertujuan membantu pemohon mengemukakan permohonan bagi Geran Komuniti Untuk Petaling Jaya Mampaan (Community Grant for PJ Sustainability). Panduan ini merangkumi perkara berikut: -

1. Pengenalan
2. Nama dan Bidang Berkaitan
3. Kelayakan dan Kriteria permohonan
4. Kriteria Penilaian
5. Urusetia Geran Komuniti Untuk Petaling Jaya Mampaan

2.0 PENGENALAN

Di bawah Bajet 2020 MBPJ, sebanyak RM 1 juta telah diperuntukkan untuk diberikan kepada organisasi masyarakat bagi menjalani projek/inisiatif kemasyarakatan mengikut pilihan dan cadangan mereka. Tujuan Geran adalah untuk menjemput organisasi di peringkat masyarakat untuk merancang dan melaksanakan projek/inisiatif yang akan membantu MBPJ meningkatkan prestasi dalam ***bidang berkaitan*** yang telah ditetapkan. MBPJ turut menetapkan geran yang diberikan mirip kepada projek/inisiatif berbentuk ***CEPA (communication, education and public awareness), perkhidmatan, kajian dan penyelidikan, jaringan (networking) dan infrastruktur atau kemudahan dalam proposi yang kecil***. Memandangkan Geran sedemikian merupakan julung kali diadakan, MBPJ telah menggariskan Panduan ini untuk memudahkan proses permohonan Geran dikemukakan.

3.0 NAMA GERAN

Geran Komuniti Untuk Petaling Jaya Mampaan (***Community Grant for PJ Sustainability***) ataupun ringkasan **PJ S.E.E.D. 2.0** - S.E.E.D bererti Social, Environment, Economy Development

4.0 BIDANG BERKAITAN

Bidang Berkaitan yang telah ditetapkan adalah seperti berikut: -

4.1 Smart PJ

- Meningkatkan prestasi perancangan, pelaksanaan dan pengurusan Bandaraya Petaling Jaya menerusi pengumpulan dan pengurusan data serta maklumat yang efisien melalui aplikasi teknologi secara holistic

4.2 Bandaraya Berkarbon Rendah Petaling Jaya

- Mengurangkan penjana CER sebanyak 5% setiap tahun demi pencapaian 30% CER MBPJ menjelang tahun 2030 menerusi perubahan kepada gaya hidup mampan dan aplikasi teknologi hijau

4.3 **Circular City of Petaling Jaya**

- Meningkatkan prestasi MBPJ dalam 3R. Skop termasuk mengurangkan sisa pepejal dan mengitar semula sisa kepada barangan yang boleh dipakai semula dan digunakan selaras dengan konsep *circular economy*

4.4 **Bandar Selamat**

- Meningkatkan tahap kebebasan Petaling Jaya dari ancaman social, fizikal dan persepsi ke atas insiden jenayah demi keharmonian masyarakat

4.5 **Learning City of PJ**

- Mempromosikan pendidikan yang berkualiti dan peluang pembelajaran secara berterusan dan seumur hidup untuk semua peringkat umur dan masyarakat

4.6 **Bandar Hijau PJ**

- Meningkatkan kehijauan Petaling Jaya dengan mengambilkira perkhidmatan dan sistem ekologi semulajadi

4.7 **Kota Seni PJ**

- Memudahkan perkembangan karya seni dan budaya yang fenomena dan kuat untuk eksploitasi

4.8 **Eco-mobility PJ**

- Menggalakkan perjalanan menerusi mod pengangkutan yang bersepadu, inklusif secara social dan mesra alam di mana berjalan kaki, menunggang basikal, menaiki pengangkutan awam secara berintegrasi diutamakan

4.9 **Cashless Society Of Petaling Jaya**

- Menggalakkan semakin banyak mungkin pembelian servis dan barangan serta transaksi dalam bentuk elektronik dan digital di mana penggunaan wang tunai diminimalkan

4.10 **Masyarakat Penyayang Petaling Jaya**

- Membangunkan masyarakat yang menyayangi dan mencintai jiran, komuniti, Bandaraya PJ dan Negara termasuk warga dan kemudahan awam secara inklusif dan berterusan ataupun *Leaving no one behind*

4.11 **A.I (Artificial Intelligence) dan Industri 4.0**

- Membangunkan mesin yang pintar berasaskan sains computer bagi menjalani tugas dan respon seumpama kapasiti manusia dan kerja-kerja ataupun fungsi yang dapat dilakukan dengan *big data*. Begitu juga dengan inovasi dalam otomasi dan penggunaan data dalam teknologi pembuatan. Projek/inisiatif ke arah tersebut adalah digalakkan.

5.0 KRITERIA KELAYAKAN PERMOHONAN

1. Hanya projek dalam bidang berkaitan dengan tujuan meningkatkan prestasi MBPJ saja layak untuk bantuan geran. Projek mestilah mempromosikan dan mencapai objektif yang disasarkan samada di peringkat komuniti ataupun Bandaraya PJ. Skop am meliputi pengurangan penggunaan sumber, masa dan tenaga serta impak negatif, penggunaan semula sumber samada dalam bentuk asal ataupun baru. Projek bolehlah dalam bentuk tindakan mengurangkan (mitigation) ataupun mencegah (adaptation) penggunaan sumber menerusi pendekatan aplikasi teknologi, rekabentuk circular dan perubahan gaya hidup dan amalan ke arah kemampanan.
2. Projek bolehlah meliputi aktiviti CEPA (communication, education and public awareness), servis, kajian, jaringan (networking), infrastruktur bagi pelaksanaan di tapak dan pemantauan kemajuan. Bagi projek yang meliputi elemen penyediaan infrastruktur atau kelengkapan, proposi kos tidak boleh melebihi 30% daripada kos keseluruhan projek.
3. Hasil keluaran projek hendaklah aktiviti **BARU** samada melaksanakan inisiatif baru mahupun memperluaskan skop liputan aktiviti atau kawasan bagi inisiatif sediaada
4. Permohonan bantuan geran tidak akan dipertimbangkan bagi projek sediaada ataupun bagi tujuan menampung keperluan kewangan bagi inisiatif sediaada
5. Projek yang menunjukkan kemampuan berdaya-saing dan keboleh-kendirian selepas bantuan geran disalurkan akan diberikan pertimbangan utama
6. **Bantuan geran adalah untuk tempoh 1 tahun sahaja.** Lanjutan tempoh adalah berdasarkan kepada cadangan dan juga keputusan MBPJ.
7. Bantuan geran boleh digunakan untuk tujuan perbelanjaan operasi ataupun modal bagi memulakan projek. Bantuan geran tidak semestinya meliputi 100% kewangan yang diperlukan dan bagi projek sedemikian, pemohon mempunyai tanggungjawab untuk mendapatkan sumbangan kewangan dari sumber lain.
8. Pertimbangan juga diberikan kepada projek yang memerlukan bantuan geran ini sebagai sebahagian daripada jumlah kewangan yang diperlukan manakala kewangan lain adalah ditampung oleh pihak ketiga. Dalam hal ini, pembahagian sumbangan kewangan dan perincian bantuan geran hendaklah diperjelaskan.
9. Hanya Persatuan Penduduk, Rukun Tetangga, JKKK, JMB, MC, PIBG atau Persatuan dalam sekolah atau institusi pengajian, Jawatankuasa Tempat Ibadat ataupun badan/organisasi bukan kerajaan berdaftar dan diperakui oleh MBPJ saja serta beralamat di PJ saja akan dipertimbangkan. Bagi organisasi di luar kawasan pentadbiran MBPJ tetapi akan menjalani projek/inisiatif dalam kawasan pentadbiran MBPJ, adalah dinasihati supaya rakan perkongsian yang layak dikenalpasti dan disyorkan.
10. Bantuan geran adalah hanya untuk projek/inisiatif ygan akan dijalankan di kawasan pentadbiran MBPJ saja. Pertimbangan akan diberikan bagi projek CEPA yang meliputi majoriti kawasan atau kumpulan sasaran daripada kawasan MBPJ ataupun tidak kurang daripada 80%, mana-mana satu lebih tinggi.

11. Pemohon dikehendaki mengemukakan surat permohonan disertai dengan Borang Permohonan yang menyenaraikan butir-butir pemohon, Cadangan Projek/Inisiatif, dokumen sokongan berkaitan termasuk bukti dan maklumat pendaftaran, kebenaran penggunaan tanah/kemudahan jika projek melibatkan penggunaan tanah/kemudahan daripada pihak ketiga, surat setuju penyertaan daripada rakan perkongsian, bantuan sumbangan daripada pemegang taruh lain, jika berkenaan serta sokongan Ahli Majlis berkaitan dan perakuan pemohon.
12. Bagi permohonan berbentuk kajian Masa diberikan adalah 2 Bulan bermula Mac hingga April 2020 untuk hantar permohonan awal bagi mengenalpasti skop kajian berkaitan dengan kesesuaian di Petaling Jaya dan juga mendapat persetujuan penyertaan di kalangan komuniti tempatan. Peruntukan Geran Maksimum RM2,000 bagi permohonan seumpama, Majlis boleh memberi pertimbangan tawaran geran berjumlah RM2,000 atau ke bawah kepada pemohon.
13. Bagi pemohon daripada **NGO/CSO** berbentuk "*Limited by Guarantee*" yang berdaftar dibawah CCM perlulah mengemukakan Perlembagaan Syarikat, Laporan Audit Tahunan, Senarai Ahli atau Dokumen lain yang berkaitan untuk Kelayakan pemohon.
14. Bantuan geran minima adalah RM 5,000 dan maksima adalah RM 50,000 bagi satu-satu projek. Pihak MBPJ berhak meluluskan amaun geran yang diberikan berdasarkan kepada penilaian teknikal dan keperluan semasa. Keputusan kelulusan projek dan amaun yang diberikan adalah muktamad. Walaubagaimanapun, amaun lebih tinggi boleh dipertimbangkan sekiranya projek /inisiatif menunjukkan merit dan impak yang positif.
15. Pemohon yang berjaya adalah dikehendaki menandatangani surat setuju terima dengan terma dan syarat yang ditetapkan. Surat yang dikembalikan akan menjadi sebahagian daripada perjanjian yang ditandatangani kelak, jika bersesuaian.
16. Pemohon bersetuju membenarkan MBPJ atau pihak diberikan kebenaran oleh MBPJ untuk menghebahkan, mempromosikan ataupun menerbitkan detils projek/inisiatif serta pencapaiannya di mana-mana platform atau medium komunikasi. Pemohon juga bersetuju berdamping ke depan untuk berkongsi pengalaman dan pencapaian projek/inisiatif dengan mana-mana pihak atas jemputan MBPJ.
17. MBPJ berhak meminda sebarang syarat, peraturan, panduan dan borang pada bila-bila masa tanpa pemberitahuan awal serta meminta maklumat tambahan ataupun meminta pemohon membuat persembahan projek dan hasil projek pada masa yang ditetapkan dengan pemakluman awal.

6.0 KRITERIA PENILAIAN

1. Keutamaan akan diberikan kepada projek yang berpotensi menghasilkan impak positif kepada kawasan kejiranan dan Petaling Jaya dengan pematuhan kepada perkara berikut:-
 - a. Keboleh-capaian kejayaan yang ditetapkan
 - b. Mengurangkan risiko pencemaran ke atas alam sekitar dan perbandaran
 - c. Menjimatkan kos perbelanjaan Majlis dalam pengurusan dan pembangunan bandar
 - d. Mengurangkan penjanaan sisa pepejal dan impak pencemaran ataupun karbon dioksida ataupun kedua-duanya
 - e. Memperolehi impak positif dalam jangka masa panjang ke atas pembangunan ekonomi, sosial dan alam sekitar.

2. Keutamaan akan diberikan kepada projek/inisiatif yang bertaraf perintis ataupun mempunyai kebolehan mencetuskan replikasi projek yang sama di tempat lain ataupun mampu meningkatkan skop bidang berkaitan.
3. Keutamaan juga diberikan kepada projek/inisiatif melibatkan rakan perkongsian dan penyertaan pihak berkepentingan atau pemegang taruh lain yang strategik.
4. Keutamaan juga diberikan kepada projek/inisiatif yang memudahcarakan pencapaian visi MBPJ ke arah *Smart Selangor, PJ Sustainability 2030, New Urban Agenda, Sustainable Development Goals, circular economy and PJ City Climate Action Plan*.
5. Pemohon hendaklah menunjukkan keupayaan mematuhi perkara berikut: -
 - a. Melaksanakan projek dengan berjaya
 - b. Cara mencapai objektif projek yang telah ditetapkan
 - c. Bagaimana projek/inisiatif boleh dipantau, dinilai dan dilaporkan secara berkesan
 - d. Bagaimana projek/inisiatif boleh digunakan untuk mempromosikan bidang berkaitan kepada masyarakat lain
 - e. Bagaimana projek/inisiatif boleh diteruskan walaupun bantuan geran telah digunakan sepenuhnya
 - f. Bagaimana projek/inisiatif boleh dipasarkan, jika melibatkan soal hakcipta terpelihara dalam hasil keluaran
6. Semua permohonan bantuan geran bagi projek akan dinilai dari segi teknikal oleh panel penilai yang dilantik oleh MBPJ. Panel Penilai boleh terdiri daripada pegawai jabatan berkaitan ataupun pakar rujuk luaran. Panel akan mengesyorkan projek yang menepati keperluan teknikal serta cadangan amaun kewangan projek kepada Pengurusan MBPJ untuk pertimbangan dan kelulusan.
7. Hanya permohonan yang dikemukakan kepada Urusetia Geran, iaitu Jabatan Pengurusan Sisa Pepejal dan Pembersihan Awam, Majlis Bandaraya Petaling Jaya, Tingkat 20, Menara MBPJ, Jalan Tengah, 46200 Petaling Jaya, Selangor D.E. saja akan dinilai.
8. Maklumbalas dan Laporan Penilaian akan disempurnakan dalam tempoh **14 hari** setelah permohonan dengan dokumen lengkap diterima oleh Urusetia Geran. Makluman ke atas permohonan dijangka akan diberi secara notis dalam tempoh 2 bulan.

7.0 KETERANGAN LANJUT

Untuk keterangan lanjut dan serahan borang permohonan, sila rujuk kepada urusetia geran seperti alamat berikut:

URUSETIA GERAN KOMUNITI UNTUK PETALING JAYA MAMPAN,

Jabatan Pengurusan Sisa Pepejal & Pembersihan Awam,
Majlis Bandaraya Petaling Jaya,
Tingkat 20, Menara MBPJ,
Jalan Tengah, 46200 Petaling Jaya,
Selangor.

Tel: 03 – 7954 1440

Faks: 03 – 7954 1579

Emel : safari.baharum@mbpj.gov.my